

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

寺觀卷

（223）



國家圖書館出版社

中國地方志佛道教文獻匯纂·寺觀卷
江西省 景德鎮市

樂平縣志

清·宋良翰修 楊光祚等纂
清康熙二十年（一六八一）刻本

樂平縣志卷之十三

雜志

志以雜名所以拾遺也古跡基宅迹之遺也寺觀額號
祠廟之遺也祥瑞災異事之遺也乃若訂訛以考信
變以示警所當附遺以脩觀者故以其目志之

寺觀

安隱寺

晉大興二年建宋
祥符九年賜額

萬壽寺

宋崇寧五年
鍾傳奏賜額

教忠寺

宋乾道元年
剛中奏賜額

本教寺

咸淳初馬廷鸞
奏賜額

崇聖寺

縣治北宋天聖
八年額今廢

蘆子寺

宋吳思忠建康熙
吳化復建在四都

山門寺

在四十三都

萬壽觀

宋真宗朝賜額有興存記內翰袁遵進士李清北所也甚絕勝仙留題詩對遺跡

清寧觀

元至正間平橋葉鈞仲素請賜額今廢

天仙觀

靜理鄉唐賜額因前有天仙池故名

武當觀

永豐鄉宋賜額

東山寺

永豐鄉宋賜額

祥雲觀

永豐鄉

梅浦菴

靜里鄉宋建明本僧寂通重修

中國地方志佛道教文獻匯纂·寺觀卷
江西省 景德鎮市

樂平縣志

清·董萼榮 梅毓翰修 汪元祥 陳謨纂
清同治九年（一八七〇） 翥山書院刻本

寺觀

育嬰堂養濟院漏澤園附

安隱寺在縣治西晉大興二年建宋祥符九年賜額今

廢

崇聖寺在縣治北宋天聖八年賜額今廢

萬壽觀在縣治西北宋紹興中建賜額有吳存記內翰

袁邇進士李清托跡所也有呂純陽畱題詩對遺跡

觀音閣一名香林寺在小南門外寺西有透心亭雍正

五年知縣沈嘉徵建原係鳳遊書院舊趾江之岱詩

清溪繞碧漾晴沙磴轉危樓石徑斜古寺僧閒花自笑

一林修竹穩棲鴉咸豐癸丑寇燬同治壬戌合邑捐

貲重建

永甯寺有二一在金山鄉唐乾甯中建一在萬全鄉宋

建

臨洵寺有二一在萬全鄉唐太和中建一在銅山鄉宋咸淳中建

地藏寺有二一在豐樂鄉唐天祐中建一在永善鄉南唐保大中建

資福寺有二一在金山鄉南唐保大中建 宋洪适記予少時歸故鄉朔日家塾得休則與羣從兄弟放步東阡北陌間抵洪源所謂資福院者了昇師實尸之方崇飾佛廟塗治像設它屋欹朽僅相支柱藩拔幾斷榛莽未理後三十年予持使者節過家上塚復至茲山則向所經行蛻然大變檐楹前後丹雘相輝蒼顏壽眉師之主山如故也師曰吾處此四十有二寒暑手植庭前之

木可抱矣旁近皆儒家地境瘠耕之無所得居者代臘或不足雖有事佛之心無多餘之贏可以相沾丐我熏唄所獲一錢不費縮衣節口寸增銖累視其腐者撤之闕者裨之漫漶者鮮之片瓦尺椽心營指畫華殿高門以次改作吾徒食有廚寢有室行有廡非一朝一夕之工也今老且死願一言以垂後之人予嘆息之曰自佛法入中土屢欲滅而復興孰主張是而然耶國家禁僧不度二十有餘載緇而錫者耗矣雄都壯邑鐘無息響廬其居藝其地者比比有之斯宇在山林幽獨之中游子屐齒所不及殘僧一二輩不絕如綫老師不以教之將廢勇猛精進頃刻必葺以迄於成旣祝髮之門復開嗣之者得瞻仰棲息以化人趨善欲不記可乎院蓋南

唐保大二年蜀僧道真師所基云 一在樂安鄉宋寶慶中建

觀音寺有三一在永善鄉宋開寶中建 一在靜理鄉

宋咸淳中建 一在長城鄉

羅漢寺有二一在長城鄉唐天祐中建 一在銅山鄉

宋元祐中建

靈巖寺在永豐鄉南唐保大中建

畱田寺在永豐鄉宋開寶中建

東山寺在永豐鄉宋太平興國中建賜額今廢 同治

乙丑重建

稱心寺在永豐鄉宋紹興中建

崇甯寺在永豐鄉

武當觀在永豐鄉宋咸淳中建賜額 國朝洪煊詩并
序武當觀在洎城東北間古樹高出城表與烏石山對
舊有道士黎鐘善吹簫同學友人遑遑過訪今觀廢而
道士已物故甲子季秋暑中偶聞簫聲因憶及之 古
觀遺荒蘚蒼松欲化龍年年風雨夜恍惚聽簫鐘 吹
簫黎道士隔壁不聞音觀與人俱逝簫聲何處尋
昇貞觀在永豐鄉元至正中建
孟建寺在金山鄉唐天寶中建
延和寺在金山鄉唐建

金山寺在金山鄉唐天祐中建
再興寺在金山鄉僞吳順義中建
新興寺在金山鄉宋紹興中建

樂平縣志

卷之二

七

鵠山寺在金山鄉

雲畱觀在金山鄉宋咸淳中建

明恩觀在金山鄉嶸嶠山麓唐大中間胡瞳建後裔胡克家題額爲清溪胡氏禱社之地

太清觀在金山鄉元皇慶間吳清卿建 馬端臨記地之勝以人而顯者多矣巖以傳難以嚴斑斑相望未聞在靈場之目蓋不如至人仙子所寓之爲神也康山東七十里曰嶸嶠枝而南曰葛峯又西折曰爐前爐視葛峯不盈矚而近嵌空以答其幽明峯以繼其崇抱朴子之從子元也弭節焉丹爐舊址宛然猶存山以得是而名殆千餘年矣而猿猱之宅樛翳之樵茂有好事而張皇之是未知其所以勝也清卿世居其側蒼然幽屏與

山相憑烟漬霧聚露百色而投諸人也不茹故一筇俯仰顧而樂焉雖曰近人羣而不囂入奧境而不左可以吸流光而謝蜉蝣之輩俯倒影而採鴻濛之初夫超終古而長存必有所寄清卿迺撫遺蹟而壽所寄於天地之樊於是鳩工掄材相山之基踵以爲觀謀諸蔡曰然經始於皇慶壬子越明年落成殿堂門廡申申救救楹也有叢輪也斯翼晝煬宵寢百爾攸具玉京十二樓上界之宮府也肖厥像以妥靈揭虔命其額曰太清蓋有意於寥天一色其所宗者玉局張氏規以儲祥產嘏而請祝聖人掌香火之鑰命祥雲李德祁貳以眞輔嗣之者序而進虛心實腹聞諸老聃云遂授以畝之百者凡三俾所寄非斷滅相也一日清卿書來言曰山可踞也

樂平縣志

卷之二

三

石可泐也惟片文隻字與古今之宙始終焉予曰烟霞錯綜而章水石輻輳而潤接於耳而會於目者庸非自然之文乎而何述之有然吾聞君先世禮部尚書曰少封欽州司戶曰思忠戶曹之姪曰璞官承信郎爲忠宣洪公之妹倩君於尙書單傳而竹林蘭階巉陰峻朗固宜駕厥美而相與無窮矧世之障麓者亡一毛如左股孰能芥視千金探幽勝而宮焉卑膏腴以版焉而又大書深刻昭回遠緒增葛峯之高多矣膠於俗者豈此之能卓哉吳氏之爲懿也遂團記而記之清卿名樾輕財好施人也視其所好可以知其賢矣 國朝胡翹元重建太清觀記巉岨山蜿蜒而南葛峯爐前諸勝幽翳如屏靈氣盤積吳氏世居其下傳有太清觀由來舊矣神

仙之說多荒渺弗經然其銖視軒冕湛明心性恍兮次
寥上契太清自古聖人以神道設教鐘鼓鐃筭薪傳相
繼蓋振古如斯矣先自元皇慶間吳氏清卿斬艾蓬蒿
首創是觀輪膏腴三百畝爲道流香火田園池塘之勝
甲於諸邑歷四百餘年屢遭兵燹田租或被侵牟依稀
福地鞠爲榛莽其族孫其滋等慨然興復躬爲經紀履
畝定租匪刻匪濫計住持食指給以口糧歲抄會其羨
餘爲建修之費越數年而殿堂丹堊煥然一新中屹植
爲正殿以祀三清兩旁祀關聖之神並逮清卿公不忘
本也左爲寮房前後二重各六間以棲息羽士右闢書
院上構講堂翼以兩廊十六間俾諸生絃誦其中下敞
爲客座鳩工於乾隆丁卯迄壬申落成石欄曲護桂柏